



ქალაქ თბილისის მუნიციპალიტეტის მთავრობა



განკარგულება - N 19.824.1056

31 / ივლისი / 2019 წ.

ქალაქ თბილისის მუნიციპალიტეტის არასამეწარმეო (არაკომერციული) იურიდიული პირის „ქალაქ თბილისის გლდანი-ნაძალადევის კომპლექსური სპორტული ცენტრისთვის“ (ს/კ 400085572) თანხის გამოყოფის თაობაზე

ქალაქ თბილისის მუნიციპალიტეტის მერიის კულტურის, განათლების, სპორტისა და ახალგაზრდულ საქმეთა საქალაქო სამსახურს 2019 წლის 15 ივლისს, 2019 წლის 18 ივლისს და 2019 წლის 19 ივლისს წარედგინა ქალაქ თბილისის მუნიციპალიტეტის არასამეწარმეო (არაკომერციული) იურიდიული პირის „ქალაქ თბილისის გლდანი-ნაძალადევის კომპლექსური სპორტული ცენტრის“ (ს/კ 400085572) N17/01191963487-19, N10/01191991450-19 და N10/01192003231-19 წერილები, რომლითაც მოთხოვნილია ქალაქ თბილისის მუნიციპალიტეტის არასამეწარმეო (არაკომერციული) იურიდიული პირის „ქალაქ თბილისის გლდანი-ნაძალადევის კომპლექსური სპორტული ცენტრის“ (ს/კ 400085572) კომუნალური ხარჯების დავალიანების დასაფარად 99 300 (ოთხმოცდაცხრამეტი ათას სამასი) ლარის, ასევე, სპორტული ცენტრის სტრუქტურული ერთეულის - მუხიანის რაგბის კომპლექსში მოვარჯიშე სარაგბო გუნდის სპორტული სამოსით აღჭურვის უზრუნველსაყოფად 10 350 (ათი ათას სამას ორმოცდაათი) ლარის და სპორტული ცენტრის სტრუქტურული ერთეულის - ნაძალადევის კომპლექსისათვის საჭირო სახელმწიფო შესყიდვის განსახორციელებლად 6 910,20 (ექვსი ათას ცხრაას ათი ლარი და 20 თეთრი) ლარის გამოყოფა.

საქართველოს ორგანული კანონის „ადგილობრივი თვითმმართველობის კოდექსის“ 106¹ მუხლის მე-6 პუნქტის, „ქალაქ თბილისის მუნიციპალიტეტის 2019 წლის ბიუჯეტის დამტკიცების შესახებ“ ქალაქ თბილისის მუნიციპალიტეტის საკრებულოს 2018 წლის 25 დეკემბრის N34-115 დადგენილებით დამტკიცებული ბიუჯეტის მე-13 და მე-14 მუხლების საფუძველზე და ქალაქ თბილისის მუნიციპალიტეტის არასამეწარმეო (არაკომერციული) იურიდიული პირის „ქალაქ თბილისის გლდანი-ნაძალადევის კომპლექსური სპორტული ცენტრის“ (ს/კ 400085572) დირექტორის 2019 წლის 15 ივლისის N17/01191963487-19, 2019 წლის 18 ივლისის N10/01191991450-19 და 2019 წლის 19 ივლისის N10/01192003231-19 წერილების გათვალისწინებით,

ქალაქ თბილისის მუნიციპალიტეტის მთავრობამ გადაწყვიტა:

1. გამოეყოს ქალაქ თბილისის მუნიციპალიტეტის არასამეწარმეო (არაკომერციული) იურიდიულ პირს „ქალაქ თბილისის გლდანი-ნაძალადევის



კომპლექსურ სპორტულ ცენტრს“ (ს/კ 400085572) კომუნალური ხარჯების დავალიანების დასაფარად 99 300 (ოთხმოცდაცხრამეტი ათას სამასი) ლარი, ასევე, სპორტული ცენტრის სტრუქტურული ერთეულის - მუხიანის რაგბის კომპლექსში მოვარჯიშე სარაგბო გუნდის სპორტული სამოსით აღჭურვის უზრუნველსაყოფად 10 350 (ათი ათას სამას ორმოცდაათი) ლარი, ქალაქ თბილისის მუნიციპალიტეტის 2019 წლის დამტკიცებული ბიუჯეტის ქვეპროგრამით „სპორტული ღონისძიებები“ (კოდი: 08 06 01) გათვალისწინებული ასიგნებებიდან, ასევე, სპორტული ცენტრის სტრუქტურული ერთეულის - ნაძალადევის კომპლექსისათვის საჭირო სახელმწიფო შესყიდვების განსახორციელებლად 6 910,20 (ექვსი ათას ცხრას ათი ლარი და 20 თეთრი) ლარი, ქალაქ თბილისის მუნიციპალიტეტის 2019 წლის დამტკიცებული ბიუჯეტის ქვეპროგრამით „სპორტული დაწესებულებების მატერიალურ - ტექნიკური ბაზის გაუმჯობესება და მშენებლობა“ (კოდი: 08 06 04) გათვალისწინებული ასიგნებებიდან.

2. დაევალოს ქალაქ თბილისის მუნიციპალიტეტის მერიის საფინანსო საქალაქო სამსახურს, უზრუნველყოს შესაბამისი ღონისძიების გატარება და ქალაქ თბილისის მუნიციპალიტეტის მერიის კულტურის, განათლების, სპორტისა და ახალგაზრდულ საქმეთა საქალაქო სამსახურის მიერ წარმოდგენილი მოთხოვნის შესაბამისად, განკარგულების პირველი პუნქტით გათვალისწინებული თანხების ბიუჯეტის მართვის ელექტრონულ სისტემაში ასახვა.

3. კონტროლი განკარგულების შესრულებაზე დაევალოს ქალაქ თბილისის მუნიციპალიტეტის მერის მოადგილეს სოფიო ხუნწარიას.

4. ამ განკარგულების გასაჩივრება, დაინტერესებული მხარის მიერ, შესაძლებელია მისთვის განკარგულების გაცნობიდან ერთი თვის ვადაში, თბილისის საქალაქო სასამართლოში (მისამართი: ქ. თბილისი, დავით აღმაშენებლის ხეივანი, მე-12 კმ N6), საქართველოს კანონმდებლობით დადგენილი წესით.

ქალაქ თბილისის მუნიციპალიტეტის მერი

კახა კალაძე